



Scientia Sanctorum

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

Puente, Luis de la

Dilingæ, 1685

52. De essentiali gloria animæ & corporis.

[urn:nbn:de:hbz:466:1-60588](https://nbn-resolving.org/urn:nbn:de:hbz:466:1-60588)

PUNCTUM III.

Convictus jucundissimus beatorum, Angelorum & hominum. Nam se omnes inter se noscunt, & communicant. Sunt autem Angelorum millia millium, & hominum turba quam dinumerare nemo potest. 2. sunt Angeli omni virtute ornatissimi, & amabilissimi. 3. varietas graduum, ut stella à stella differt in claritate. Ibi ordines Angelorum, ac inter eos permixti ex hominibus: quin aliqui supra omnes, ob vitæ meritum. Ibi chori Sanctorum, Patriarcharum, Prophetarum, Apostolorum, Martyrum, Sacerdotum, Confessorum, Virginum, &c. 4. mira concordia: quia sic unusquisque gaudet de bono cæterorum, ac de proprio.

Societas
in cœlis
quæ.
Apoc.
7. 9.
1. Cor.
15. 41.

MEDITATIO LII.

De essentiali gloria animæ & corporis.

PUNCTUM PRIMUM.

Anima repletur Deo, ut ferrum candens. 1. Memoria sic occupabitur, ut divertere nequeat à præsentis bono: tum memorabit omnia accepta à Deo, & recipienda, nec ullius recordatio affliget: *Memoriam abundantia, suavitatis tuæ eructabunt, & justitia tuæ exultabunt.* 2. intellectus replebitur clara visione Dei in seipso, & intuebitur divinam essentiam, & personas, attributa modum Incarnationis: & quomodo

Bonum
animæ
& po-
tentiarū.
1.
Memo-
riæ.
Ps. 144.
7. 2.
Intelle-
ctus.

modo Deus mirabiliter operatus fit quæcunque fecit. Unde cessabit fides, & spes, re jam possessa. Ibi intelliget arcanum divinorum consiliorum, & rationem providentiæ circa se. 3. Voluntas ineffabiliter Deo adhærebit, atque in eum transformabitur amore, qui sit omnis amor filij, sponsæ, amici, &c. unde immensitas gaudij redundabit, & *inebriabitur ab ubertate domus Dei.* Et verè intrabit in gaudium Domini sui, undique circumfluens. Ab hoc amore ordinabitur voluntas ad omnem rectitudinem, unde obedientia exactissima, humilitas profundissima, religio subtilissima existent. 4. Tandem cogita, inde te beatum fore, unde ipse Deus est: quod se videt, & amat. Collige, exercitium orationis esse adumbrationem quandam illius status, quando in illa studemus easdem animæ potentias circa Deum occupare pro modulo.

PUNCTUM II.

DOtes corporis gloriosi. 1. *Claritas, Justi fulgebunt sicut Sol*, membrorum proportio, figura, color, & nitor mirabilis: inspiciuntur etiam internæ partes, & harmonia totius corporis, tanquam crystallum. 2. *Impatibilitas, & immortalitas: non esurient, neque sitiunt: nec ab ullo extrinseco lædi poterunt.* 3. *Agilitas: etenim anima ita dominabitur corpori, ut sine repugnantia, illud celerrimè transferat quocunque: Sicut scintilla in arundine.*

Dotes
corporis
gloriosi.

1.

Matt.

13. 43.

2.

Apoc.

7. 16.

Is. 49. 10

3.

Sap. 3. 7

to discurrant. 4. Subtilitas, ut instar spiritus non subjaceat necessitatibus vitæ vegetativæ, sed eorum sicut Angeli Dei, ait Christus: poterunt etiam penetrare per quodvis corpus, ut Christus ex sepulchro, & ad discipulos. O, verè, Non sunt condigna passiones hujus temporis! quidni mortificationem Jesu nunc in corpore nostro circumferamus.

Matt. 22. 30.
4.
2. Cor. 4. 10.
Rom. 8. 18.

PUNCTUM III.

GLoria sensuum. 1. *Visus*, ex aspectu tot glorificatorum corporum, imprimis Christi, quo Job solabatur se: Scio quòd Redemptor meus vivit, & in carne mea videbo Deum meum. 2. *Auditus*, ex colloquijs Sanctorum & ex laudibus Dei: nam Exaltationes Dei in gutture eorum. 3. *Odoratus*, à fragrantia corporum beatorum, quia hinc fuerunt bonus odor Christi: cujus odor imprimis est fragrantissimus. Vbi fuerit corpus, illuc congregabuntur & aquila, cœlestes nimirum, attractæ à suavitate illius. 4. *Gustatus*, ut absque cibus, omne delectamentum suavitatis percipiat, siquidem tale manna in terris dedit. 5. *Tactus* toto corpore diffusus, purissimo perfruetur sensu.

1.
Gloria sensuum
Job. 19. 25.
2.
3.
Ps. 149. 5.
3.
Matt. 24. 28.
4.
Sap. 16. 20.
5.

Ergo, Secundum multitudinem dolorum meorum consolationes tuæ letificaverunt animam meam. Ergo & tu corpus, Latere in his qua dicta sunt tibi: sustine modicum.

ME-